

paru me nga kino ka hari ki wahi ke kia mamao atu i nga kainga Maori me nga taone. Ki taku whakaaro hoki me karanga he huihuinga ki ia takiwa ki ia takiwa a kia whakaturia he Komiti mo ia kainga huihuinga hei whakahau kia whakaritea nga tikanga horoi i nga whare a hei tahi i nga kainga kia takoto pai ai kia takoto ma ai. Me tahi ia whare ia ruuma kia ma rawa, ko nga puehu me nga paru me koko ki waho ka tapuke atu. Ko nga paru hoiho kau ranei me whakawhaiti ka tahu ai ki te ahi. Ko nga whare me nga taiepa poaka me whakapai ka tahi kia ma, ko nga paru me tapuke atu. Ko nga paru manu katoa me tapuke atu. Ko nga puna wai me nga korere wai me pai tonu te tiaki kei taka he kino he paru ranei ki roto, kei tae ranei he manu he kararehe ranei ki reira inu wai ai a ka kino te wai.

Me whakarite ki ia kainga ki ia kainga he whare hei hohi-pera mo te tupono rawa ake o te hoki mai o taua mate e noho rite ana he whare motuhake hei takatoranga turoro, e watea ana ki tahaki ke o te nuinga o nga tangata. Ina tupono ki taua wa me waiho kia kotahi tonu he tangata hei tomo ki roto ki taua whare ara ko te tangata e whakaritea ana hei kai-tiaki mo taua whare.

Mehemca ka rite a ka hangai hoki te whakahaere i enei tikanga katoa e tino mohio ana au e kore e rite te whiu a taua mate a muri ake nei ki tona whiu i tona taenga mai ka hori ake nei. Na reira, ka inoi ahau ki nga rangatira Maori katoa me te iwi nui kia tahuri kia awhina i tenei mahi tino nui Kaua e waiho kia eke rawa mai te hoa riri ki runga

ki te pae ka korikori ai. I tawhiti ano ia e haere ana mai e hopu ana to ringa ki te patu. To patu ki to ringa mau ai inaianei.

G. W. RUSSELL,

Minita mo te Tari Whakaora.

T. H. A. VALINTINE,

Apiha Tumuaki o te Tari Whakaora.

CONTENTS.

LANDS—	PAGE
Prohibiting Alienation of certain Native Land ..	585
NOTICES—	
Sitting of the Native Land Court at—	
Gisborne	557-559
Pictou	560-563
Tokaanu	573-575
Rotorua	578-580
Whangarei	580-581
Meetings of Maori Land Boards—	
South Island District	581
Waikato-Maniapoto District	582-584
Tairāwhiti District	584-585
Payment of Money to Maori Owners	585
Precautions regarding Influenza	585-586

I taia i runga i te Mana o te Kawanatanga o Niu Tireni, e MAKANA MAAKA, Kai-ta a te Kawanatanga, Ponoke.